

مدبر ابن السرى
احمد جودت

مؤسس: ابن السرى
مصطفى نامق

آسيان

أدبي ، علمي ، سياسي ، اجتماعي ، فني ، اخلاقي هفتنه لنق مجموعه در

پنجمه

ایکینجی جلد

نومرو ۱۸

برنجی سنه

۲۱ ذی الحجه ۱۳۲۶

۱ کادون ثانی ۱۳۲۴

مدرجات

آونك ایل	ضیا پاشا
براز فن و سیاست ...	عبدالحق حامد
مینی مینی بنكه	ایمال زاهره
اخلاق سیاسیه	جناب شهاب الدین
قلوبلر ، جمعیتلر	کنندیم اینچون
خلیل	ح
	سیرت
	مصحاح ادبیہ
	علی سعاد
	اسکی دفترلر
	کلیسلی رفعت
	اولومدن صکره


استانبول



محل اداره می : جفال اوغلنده اداره مخصوصه

باب عالی جاده سنده « مرکز » مطبعه می

۱۳۲۴



هيو لا ياخود جسم سيال

ماترياليس-تلىك ابدىت روحىيى انكار ايتىمىكده بولنلىرى ، هستى بشرك
شكلىدىن عارى اوله رق بقاسنى فهم ايتىمىكده دوچار اولدقلىرى. مشكلات نتيجه سىدر ،
حقى بقاى روحه قائل اولنلىرىيله تصديق ايتىمىكده برابر ، غير مادي اولان روحك
اساساً ماهيتنه مخالف بولان جسم مادي ايله اختلاط ايدرك انى نه صورتله تحت اداره
سندى بولندىر ديفنه عقل ايردیره ميورلر سده خدام صاحىبارى بومسئله يى حل ايتىمىكده در .
مباحث متقدمه ده كوردىكمز وجهله روح كرك بعدالموت و كرك عالم جسم ايتىمىكده
سيالى وائىرى ، رقيق برطرف ايله محاط اولوب جسمه القا ايتىمىكده آرزو
وتحسسات بو طرف سيالك توسطيله اعضايه سريان ايدر ، حالت نزعده ماده نك
اعماقندن صيريله رق جسمى حال تفسىخه ترك ايدوب روحندن انفكاك ايتىمىكده
شخصيت معنويه سنك شكل خارجىنى تشكيل ايدر .

ايمدى هيو لا برعضويت سياليه اولوب حيات ماسبقده دخى برحال رقت
وانبساطده آز چوق ماده نك ماهيت طبيعیه سنى حائز بولندينى جهتله ظرف
عضلى بشر بو شكل سيالى به مطابق بر صورتده تشكيل ايدرك يته روحك بخش
ايتىمىكده بر قوتله جسمك هر نقطه سى بوسىالك تحت تأثير ونفوذنده بولنور .

ماده عضويه دوران دمله بلا انقطاع تجدد ايتىمىكده اولوب اعضايه عضليه نك
اقسام عموميه سى بر طرفدن تحلل ايتىمىكده وعناصر غذائيه نك تمثيله حجيرات
عضويه نك يكدن تشكيل ايتىمىكده صرف هيو لانك تاثيرندن نشأت ايتىمىكده در ،
بويله برماثر اولماش اولسه چهره وبدن شكلاً تغيراته تابع بولنور ايدى .

مع هذا بوجسم سيال بر درجه ده قالمىوب روحله برلكده كسب صفوت
ايدرك نجسدهات متواليه ايله بالتدريج ترقى ايدى ايدى صاف ونورانى برحاله كله ركه نهايت
دبدبه كال وشعشه جمالى بتون كائناتى احاطه ايدن حضرت خلاق عالميانه واصل اولور .

اعضاء عضلیه نك عینى حائز اولان هیولانك دماغنده وقوف ومكتسبات دنیویه تماماً محفوظ وخطوط شعاعیه ایله منطبع ومنقوشدر . نوزاد حیات ماسبقده اکتساب ابتدیی الطباعات ومنقوشاتی حاوی اولان عضو هیولانییه مطابق دماغه مالك اوله رق دوغار ، روح نو وجهله مكتسبات ذكائییه و اخلاقیه سنی ضایع ایتیه رك موجودیت متابعه سنده دائماً ترقی ایدر ، بعض اطفالده مشاهده اولنان موهبه فطریه خارقه حیات ماسبقده هیولایه منطبع اولان تربیه ومكتسباتك دماغ جسمانییه انعكاسندن عبارتدر .

تعالیٰ حسیات ، صفوت حیات ، میل خیر خواهی ، آلام واضطرابابه صبر وتحمل ، بر معامله كمیویه نك اجسام معدنییه بی بالتصفیه رقیق برحاله تحویل ایتیمی كبی ، معامله و تربیه حسیه ده هیولانك بالاصطفاهتزازات سیالیه سنك تزیایدیله ترفع وتوسعی بادی اولور .

هوسات ماده واحترافات عادیه بر معامله معكوسه اولدیقندن عكس تأثیر حصوله كتیره رك هیولانك غلظت وكثافت پیداسیله قرار سنی بارى اولور . مسلك شمسی بی تشكیل ایدن اجرام سماویه دن عوالم سفلیه میاننده بولنان كره ارضك اجرام علویه به نسبتاً جاذبه سنده کی شدت فنا نابتدر ، كره ارض مخلوقاتك محتاج بولندیغی عناصری قسماً محتوی اولغله اغتدا طریقیه تمثلات ماده بی تأمین ایتكمكه برابر خشنودیت ومسعودیت بشریه بی اكال ایده من ، انسان حشر ونشر طریقیه برچوق اكداره هدف اوله رق هوسات عادیه دن تبری وجاذبه ارضیه دن نفسی تخلص ایتكمكه عوالم علویه به صروج ایدر .

بشرك عناصر مختلفه ثلثیه بی یكدیكرینه صیقی برعلاقه ایله مربوط بولندیغی جهته روح نه درجه متعالی اولورسه هیولا اونسبتده رقیق ، خفیف و ضیادار اولور ، جسمك احتراصات وهوسات عادیه دن مصونیتی نسبتنده روحك نجات و شرافتی هیولایه عكس انداز اوله رق شكل مادی ایله شكل سیال بیننده اتحاد وآهنگ آرته رق هیولانك ضیای جسم عضلی به قدر نفوذ ایتسیله جیاه ارباب فضیلت درونی بر نورك عكسیله لمعان ایدر .

هیولا ، مقناطیسی جریانلرله روحه مربوط بولندیغی كبی سیاله عصویه ایله

جسمه ده نافذ اولوب بشری تشکیل ابدن عناصر ناتهك ارتباط وامتزاج حیرت آوری کوزدن نهان اولان سیالاتك اثریدرکه ، اذواق نفسانیه اعضاء جسمانیهك انحلاله قدر فصل دائم ایسه قواء غیر مرثیه دخی مهددن لحده قدر مادهیه مرتبط اولوب حالت نزعه هیولانك جسم مادیدن قورتولق ایچون دوچار اولدینی اضطراب! بزم ایچون عبرت آمیز برعونه در .

هیولا حساسیت بشریه بی تشکیل ابدن سیاله عصبیهك منبئی اولوب اداره بدنیه ده جمله عصبیهك اجرا ابتدیی رول علم تشریح وامراض نظرنده حل اولغز بر معمادر ، جهاز عصبی فنا بالقیاس خطوط تلفرافیه کبی حسیات خارجیهك انتقاله خادم بولندینی کبی بر طرفندن ده ملکات عقلیه واحتساسات درونیهك مصدریدر دینلیور ، جمله عصبیه ده افعال مضاعفه نمایان اولیور .

هیولانك موجودیتی عندالقدم مصدق اولوب یونان قدیم وشرق فیلسوفلری بوکا Achema (اوکهما) Ferouer (فروئه) نامی ویره رك منور ، معطره اثیری برحاله شکل بشری حائزدر ، دیمشیر ایدی . ایران قدیم عاماسنه کوره : زمان تجسد حلول ایتدکده (فروئه) جسمك تشکلی مستلزم اولان اجزاء فردیه مادهیه بی اطرافندن جذب وتکشیف ایدر ودیگر بر جسم عضلیده طوغغق ایچون لباس ناسوت اولان جسمی ترك اتمکله بواجزاء فردیه متکافیه بی حال ابتدائیسنه اعاده ایدر ، دیولر ایدی .

من القدیم تصدیق اولنه کلکده بولسان هیولا حقیقه بوکون علم الروح مشاهدات کافیه مالکدر ، سیر ویلیام قروق وسائر علماك تجاربیه هیولانك مانیاتیزمه علامتده وخداملقده نظاهرات وتأثیراتی مرتبه بداهته واصل اولمشدر .

هیولاروحك القا ابتدیی قواء سیالیهك ینه شکل بشرده اعضائی خاثر بر محفظه سی ومنبئی اولوب افعال وحیات جسمانیه آندن مستسخ بر نسجه در ، بوجسم سیال کرک نوم طبیعی کرک نوم صنیه ده جسمدن صیریلوب چیقار ، ایدیناقده فصل کوزیرسه ظلمت لیده دخی کوره رك مسافات بعیده قطع ایدر ، جسم هیچ بر

شیدن خبردار اولدینی حالد ایشیدر وتکلم ایدر ، او حالده بوجسم کشف
 کندندن علی ورقیق ، جس ورؤتی بشقه درلو بر جسم لطیفک ممائلیدر .
 ارواحک ابدی ولایموت اولدینی علامت و تظاهرات متنوعه ایله یاخود
 روحک ظرف سیالی اولان هیولانک نیم مادیت کسب ایدرک کورنمسیله ثابت
 اولیور . هیولا حیات سربستیده اعضاء بشرک کافه خواصی بالقوه حائز اولوب
 فقط مادتا موقع فعله وضع ایتمز ، انجق شرائط مطلوبه تحتده بولورسه یعنی ،
 ماده ایله تعلق و رابطه سی باقی اولان خدام صاحبیلله علی طریق الاستعاره
 مناسبت پیدا وساحه جریان مستعارده تمثیل ایدرک ابتدا بنجار جالنده یواش
 یواش تماماً شکل بشرده منظور اولور ، استعاره سیالیه واسطه سیله اجزاء فردیه
 حکمیه نک تکلفی جریان سیالییه منطبع اوله رق هیولا کورینور . تجسم ایدرک
 کورینن بواشکالک او آنده النان فطوغرافیلری بوکون المزده اولوب بروقت
 یروزنده زمان کچیرمش اولان بروچودک عینی وشخصیت روحیه سی اولدینی
 تحققی ایشیدر ، فقط ارواحک بوضورتله کورنمسی موقت اولوب عناصر مادهیه نک
 سیاله هیولانییه ایله اختلاطی تمادی ایدمهیه رک بر آنده اصله رجعتله منظره
 نابدید اولور .

خلیل

